

opificia iuuanda, ad commerciorum, oeconomiae, et agriculturae incrementa prouehenda pertinent, dum omnia, inquam, ea ita procurantur, ut excitatissima quaeque ingenia, praemiis lantissimis propositis, ad bene promerendum de patria, de litteris, de cuiusuis artis progressionibus et lautitiis exfuscitentur, inflammantur.

Nouit FRIDERICVS Serenissimus, nouit XAVERIVS, nouit Purpuratorum et administrorum fidelissimorum prudentia, quanti interfit ad rerum publicarum felicitatem, artes florere, scientias non negligi, artificibusque et ingeniis excitatoribus praemia constitui liberaliora.

Sit fortis princeps, sit animo inuictissimo, appellatur hostium terror et fulmen, summis efferantur laudibus arma eius uictricia, extollatur in proferendis imperii finibus eius felicitas, sit frugalis, sit continens, sit acerrimus scelerum uindex, at si cultiores negligit artes, si artium cultores et magistros situ et squalore obsolescere patitur, quam tandem utilitatem putatis, Auditores, eiusmodi Principem reipublicae esse allaturum?

Nisi enim ab inscitia ad saluberrimarum rerum cognitionem, a barbara immanique feritate ad mansuetiorem uitae cultum, a profligata pereundi perdendique omnia lubricine ad mentem meliorem recteque ujuendi studium traducantur ciues, quid aliud consequitur,
b 2 quam